

王蓉貴（日）白井順◎點校

# 周必大全集



四川大學出版社


(三)



全國高等院校古籍整理研究工作委員會直接資助項目  
四川省社會科學“十二五”規劃2014年度一般項目  
(項目批准號：SC14B040)

# 周必大全集

王蓉貴(日)白井順◎點校



四川大學出版社

# 廬陵周益國文忠公集卷一二六

## 歷官表奏卷五

### 淳熙八年

#### 東宮賀年牋

周重端辰，誕布始和之吉；漢尊獻歲，具嚴元會之儀。繫我儲明，受茲帝祉。某中賀。恭惟皇太子殿下重光映日，潛曜拱辰。玉佩朝春，稽首未央之殿；輪班扈蹕，稱觴德壽之宮。惟慶賀之交修，殆古今之鮮儷。自協天人之祐，永同家國之休。某叨預政機，夙蒙恩遇。府開天策，常夢想於英游；苑立思賢，尚阻陪於班謁。其為頌詠，曷罄敷陳！

#### 辭免轉官劄子

臣準尚書省劄子，《四朝史志》成書，以臣經修，奉聖旨特轉一官者。非常之恩，承命惴恐。臣竊以翰墨策勳，固書生之榮遇，必當其功，乃或無愧。而臣積緣幸會，早被獎擢。二十年間四叨史職，含毫闋筆，玩愒歲時，曾不能鋪張列聖之德業，參定信書之凡例。移官累月，方上奏篇。向非閭臺英彥悉心論纂，則

汗青之日未可期也。臣得免疇昔瘵曠之戾，為幸已多，而何賞慶之敢望？豈謂皇帝陛下覆幬之仁，有生者溥及；雨露之澤，近天者先濡。特令增秩，以示眷寵。雖功疑惟重，賞寧過僭，乃聖主厚下之意，然因人成事，無功受祿，槩之古誼，臣何敢安？已嘗面控忱辭，茲用薦陳危懇。伏望睿慈俯賜矜察，明詔攸司，收還誤寵，免至再三之瀆。重干淵聽，臣無任感激惶懼俟命之至。取進止。

#### 不允詔

勅某：省所奏劄子，辭免以《四朝史志》成書，曾經修，特轉一官恩命事具悉。朕緬惟神祖，適駿先猷，維時史臣，咸極妙選。然方修而曾鞏遽釋其任，既成而蘇頌弗預於恩，乃知名儒宗工，宣勞載筆，任而久，久而成茲亦古昔之所難也。卿高文大冊，博識洽聞，追迹二臣，固已有光。向者四人承明，咸典斯事，網羅囊括，用力最多。今釋簡冊，登廟堂，曾不淹久，成書來上，不其榮庠？答翰墨之成勞，侈儒術之亨遇，一階例進，予猶歉然，遜避之章，所毋庸至。所辭宜不允。

〔一〕「省所奏」至「事具悉」，原作「云云」，據日本藏宋刻本、明澹生堂鈔本、四庫本改補。

### 再辭表

臣某言：伏蒙聖慈以臣辭免經修《四朝史志》轉一官恩命，特降詔書不允者。奏牘上聞，謂汗青之無補<sup>(一)</sup>，詔函中錫，愧情素之未伸。敢憚牢辭，冀回誤賞。臣某中謝<sup>(二)</sup>。竊以參聯近弼<sup>(三)</sup>，特異庶工。職在彌縫，既無日成月要之可考；恩隆體貌，又豈年除歲遷之是圖？問因典策之修，或陟階勳之峻。蓋耐久次，且表殊知。如臣者豫政非才<sup>(四)</sup>，閱時尚淺。論新功則未效，紀舊績則尤疏。雖嘗執簡以搖毫，其實濫巾而竊吹。馬融三人入東觀，漫誇漢代之至榮；知幾屢為史臣，莫就唐朝之大典。值成書之進御，沿故事以伸恩。反覆思之，叨踰甚矣。伏望皇帝陛下舜明察物，湯智懋功。諒臣品秩浸高，難復假名器之寵；念臣官曹既易，豈應分鉛槧之勤？潛發俞音，趣收前令。使朝廷之上無貪榮徼倖之譏，則海寓之間有識分興廉之俗。庶共扶於公道，寧專遂於私心？臣無任祈天俟命激切屏營之至，謹奉表陳免以聞。

### 不允批答

省表具之，朕鑑於往昔，咸重史臣，觀厥成功，率惟久任。張華尚誇於再至，蔣乂嘗越於十年，當時推榮，後世稱美。卿懿文華國，雅望表民，自窺典籍之藏，速聽星辰之履。咸專載筆，遂究長才，力倍羣英，功先衆作。爰優頒於恩典，奚固執於謙規！俾下多興廉識分之風，雖可嘉於卿

志；將國有各賞廢勞之舉，亦殊失於予人心。當即欽承，毋庸重請。所辭宜不允，仍斷來章。

### 謝轉官表

臣某言：伏奉告命特轉一官，加食邑食實封<sup>(五)</sup>，尋具辭免，伏蒙聖慈特降中使，賜臣不允批答，仍斷來章者。述四朝之史志，夙愧瘵官；陞三品之文階，今慚誤寵。祇若絲綸之下，凜如淵谷之臨。臣某中謝。伏以爵秩之遷<sup>(六)</sup>，朝家所重。或赴功趨事，內殫夙夜之勞<sup>(七)</sup>；或禦侮折衝，外竭封疆之力。於焉錫命，斯謂陟明。豈容尸素之人，越晉高華之序。如臣者奮由詞藝，久綴班聯。既微汗馬之勞，又匪屠龍之筆。承明三人，忝冒為多；甘茂十官，貪饜已甚。逮茲拜賜，殊以覲顏。此蓋伏遇皇帝陛下天覆羣臣，日新庶政。功疑則厚，弗矜虞舜之聰明；賞信為先，兼總漢宣之名實。寧使匹夫之僥倖，不令一善之遺忘。臣於斯時，遂玷殊渥。官崇祿厚，未知稱塞之方；恩重命輕，惟誓捐糜之報。臣無任云云。

(一) 謂：原缺，據日本藏宋刻本補。四庫本作「恐」。  
 (二) 臣某中謝：原無，據日本藏宋刻本、明澹生堂鈔本、四庫本補。  
 (三) 「竊」上，日本藏宋刻本有「臣」字。  
 (四) 政：原缺，據日本藏宋刻本補。  
 (五) 下「食」字原無，據日本藏宋刻本補。  
 (六) 「伏」上，日本藏宋刻本、明澹生堂鈔本、四庫本有「臣」字。  
 (七) 勞：明澹生堂鈔本、四庫本作「勤」。

## 謝太上皇帝表

臣某言：伏奉告命，以臣經修《四朝史志》特轉一官者。充位疑丞，未宣乃力；策勳翰墨，又進厥官。懇避無從，叨踰有覲。臣某中謝。伏以六十載論謀之志<sup>(一)</sup>，億萬年傳信之書，屢易星霜，甫成卷帙。而臣昨在紹興之際，嘗蒙上聖之知。以書林是正之官，兼史氏編摩之職。逮今二紀，被遇兩朝。幸嘗秉筆以周旋，敢覲終篇而尊奉。晚陪機政，獲預榮觀。賴儒先筆削之功，在賞慶褒崇之數。惟茲忝竊，良以震驚。此蓋伏遇光堯壽聖憲天體道性仁誠德經武緯文太上皇帝陛下盛德備躬，至仁及物。道包衆有，雖蕩蕩以無偏；天覆羣倫，每恢恢而不失。凡在含生之類，孰非受賜之人？顧方高蹈於希夷，何以仰酌於造化？臣敢不勉殫忠盡，圖稱恩榮？居慚班范之才，何裨潤色；幸際勳華之主，請祝壽祺。臣無任云云。

## 謝東宮牋

某言：伏奉告命，以某經脩《四朝史志》特轉一官者。政塗竊位，何補於大猷；史局奏篇，誤降於崇秩<sup>(二)</sup>。凌兢拜命，俯仰包羞。某中謝。某惟四朝仁聖之相承，有五紀設施之可考。禮樂政刑之畢舉，堪與夷夏之兼該。分職設官，在更張而不一；整軍經武，於制度以尤詳。必能發揮既往之規模，乃可昭示方來之準則。允資鴻筆，庸詎鉅編。既閱歲以滋深，宜成書之來上。

而某曩繇推擇，嘗預討論。貞觀修書，愧德棻之爲首；知幾司籙<sup>(三)</sup>，慚唐史之未成。逮錫賞於公朝，例叨榮於寵數。茲蓋伏遇皇太子殿下學探聖域，性廣仁端。人奉慈顏，方問安於有永；出臨講肆，每進德於無疆。俯念孤蹤，久陪末屬。借以庇存之賜，致滋優渥之恩。青地深嚴，雖阻瞻於輝潤；丹心激烈，尚圖報於知憐。謹奉牋陳謝以聞。

## 同趙相以下以霖雨待罪劄子

臣等仰惟陛下仁民愛物，動合天心；宜獲休徵，以符聖治。乃連月以來罕遇晴霽，致傷蠶麥；今復霖雨過多，秧種將損。是皆臣等調變無術<sup>(四)</sup>，有干和氣。苟或自恕，人言謂何？伏見仁宗朝慶曆春旱，宰相陳執中、參知政事宋庠、丁度各降一官。臣等恐勤宣押，不敢家居待罪。欲望聖慈，稽用故事，將臣等先賜貶秩，然後罷黜。庶幾天意回而咎徵消，少寬宵旰之慮。臣等無任惶懼俟命之至，取進止。

## 不允詔

敕某：省所奏劄子，以霖雨過多，乞先賜貶秩事具悉。

(一) 「伏」上，日本藏宋刻本、四庫本有「臣」字。

(二) 隆：日本藏宋刻本、明澹生堂鈔本、四庫本、傳校本作「陞」。

(三) 籍：原缺，據日本藏宋刻本補。

(四) 調變：日本藏宋刻本作「變調」。

屬者沍雨過常，煥氣弗效，惟政教之多闕，致陰陽之干和。所賴邇臣交修庶治，遽形咎謝，未體朕心，勉燮序之令圖，導善祥於不日。副予厚望，茂迺懿猷。所乞宜不允。

### 再乞罷黜劄子

臣等昨以積雨未霽，害於麥禾，輒援本朝故事，乞先次貶秩<sup>(一)</sup>，然後罷黜。伏蒙聖慈矜存備至，詔諭恩勤。臣等荷戴隆施，恨未有捐軀之路可報萬一。惟是賞罰二柄，理難偏廢。臣等誤叨簡擢，服在近司。平居則安享異數，間遇典禮又皆首被慶賞。今者輔政無狀，陰陽不調，聖心焦勞，民庶咨怨。瘵官之責，將以委誰？容其自劾，已是寬典。罰又不加<sup>(二)</sup>，失刑甚矣。何以弭災沴？何以塞人言？何以勵庶工？何以安厥位？此臣等所以連章瀝懇，不敢憚煩瀆而遂已也。伏望陛下赫然剛斷，賜以黜幽。既舉合於大公，自感召於和氣。應天之實，莫大於斯。干犯威尊，臣無任激切俟命之至，取進止<sup>(三)</sup>。

### 不允詔

敕某：省所奏劄子「以積雨未霽，乞先次貶秩」事具悉。朕惟水旱之來，厥有咎證。其為天人交感之際，則在懼與不懼爾。今農事維時，霖雨不止，夙夜兢惕，未知其由。卿位居政路，職貳國鈞，相與憂之，庶幾濟此。欲潔身辭寵

可乎？所乞宜不允，不得再有陳請。

### 中使賜生日詔書

敕某：昭隆賢業，參穆政均。方天漢之指隅，嘉熊羆之協夢。載頒牢品，式侑燕私。今賜卿云云。

### 謝表

臣某言：伏奉詔書，以臣生日，特降中使，賜臣羊酒米麪者。劬勞念切，末由帖屹之瞻；賚予恩深，厥有虞庖之繼。鈞承飫賜，加震危衷。臣某中謝。臣竊以醪醴餽牽，聖主優賢而錫寵；來牟嘉穀，良農享上以樂輸。自非有德以尊朝，寧使無功而受祿。如臣者，生而孤露，晚乃叨踰。顏巷一瓢，常恐侈驕而易節；義文二篋，惟知質實以效忠。雖竭鴛材，何裨聖政！豈

(一) 先：四庫本無。次：原作「賜」，據日本藏宋刻本改。

(二) 不：明澹生堂鈔本、四庫本作「弗」。

(三) 原書文末校云：「案目錄，此下應附《不允詔》一首，《附賜生日詔》一首，《謝賜生日表》一首，《東宮賀冬牋》一首，今俱缺佚。

知聖道齋本此處有第三《乞宮祠劄子》、第四《乞宮祠劄子》，乃重出。卷三之文，又誤移《乞序位劄子》於《乞罷政表》之後。且有第二、第三兩劄。其前半皆重出。第三劄子之後半乃第二劄，第三劄之後半乃《乞罷政劄子》。脫誤踳駁，幾不可讀。今據翰院別本校正，而《乞罷政劄子》各本俱佚其前半記，俟善本補之。」今據日本藏宋刻本補《不允詔》、《中使賜生日詔》、《謝表》、《東宮賀冬牋》四首。

謂弧之旦，亦分庭實之珍。此蓋伏遇皇帝陛下儉法禹謨，仁高周雅。好善言，惡旨酒，恩靡廢於投醪；將厚意，燕嘉賓，誠不忘於推食。既脩六府之治，更盡群臣之心。臣謹當深戒素餐，益輸丹慊。食焉怠事，敢自速於咎殊殃殛；仕則慕君，誓力圖於報塞。臣無任。

### 東宮賀冬牋

推七日於羲爻庶，見天心之復占。五雲於魯觀，莫先歲事之豐。繫國元儲，以時介祉。中賀。恭惟皇太子殿下溫恭異稟，仁孝安行。察動靜於陰陽，此心常定；考吉祥於視履，何福不臻！對丈二之景長，知八千之歲永。某謬參機務，夙荷恩憐。密侍昕朝，雖承顏接辭之尚陰；瞻言冬讀，想進德脩業之又新。欣頌積中，縑毫莫狀。

## 淳熙九年

### 乞罷政劄子

五月二十六日(二)

臣輒控愚衷，仰祈聖造，臣迂疎闇懦，無所取材。誠不自意，遭遇明主，首蒙簡拔，周歷踐華要(三)，越二十年，昨由翰苑洊歷八座，深惟踰分，屢丐退閑。陛下眷留再三，德意隆厚，未知稱塞，彌劇兢危。旋冒選除，進陪二府。恩施之重，何啻丘山？所願殫竭疲駑，少效萬一，而才分所局，鞭策不前。邦國大

猷，固非所任；簿書事故(三)，亦復何裨？晝度夜思，憂慚罔措。徒以叨聯四近，稍係觀瞻。出處之間(四)，不容率爾。素餐尸祿，遂踰二年；竊位妨賢，罪則多矣。加以年衰氣索，百病交攻，頭眩目昏，腰足酸楚，半月前又因飲冷暴下，一伏時方止。緣此愈覺疲憊，不能支梧，福過災生，理應如此。當陛下勵精之日，豈臣子懷安之時？其如疾恙侵凌，於心實不遑處。躊躇累日，冒昧以言。伏望聖度優容，皇明委照。念其奉侍之最久，矜其膂力之驟愆。許解政機，俾歸田里。重任既釋，憂心自寬。庶以餘生，永陶聖化。捐軀殉國，期在異時。冒瀆威尊，臣無任(五)云云。奉御寶批，降詔不允(五)。

### 不允詔

敕某：云云具悉。廊廟近臣，朕所與朝夕圖回以儀天下之政者也，豈可以歲月久近議進退哉！卿涵德淵虛，蹈道時敏，登朝應務，細鉅必爲。宣翼之勤，克厭朕志，底書求去，覽觀慊然。古者大臣皆務其方以敦其節，則羣臣莫敢不正身修行，以稱大體。朕所嘉賴，人具爾瞻。往宅厥常，益

(二) 五月二十六日：原無，據日本藏宋刻本補。

(三) 「臣輒」至「周」三十一字原無，原刻云：「前半文佚」，據日本藏宋刻本補。

宋刻本補。

(四) 事：四庫本作「細」。

(五) 出：原缺，據日本藏宋刻本補，四庫本作「退」。

(六) 「云云」至「不允」原無，據日本藏宋刻本補。

顯無窮之聞。所請宜不允。

### 乞罷政表 二十七(二)

臣某言：伏蒙聖慈以臣乞解罷機政，特降詔書不允者。晉叨三接，久冒處於高華；退止一辭，合亟投於閒散。恭承溫詔，尚闕俞音。感已極於肺肝，情洩殫於悃悃。臣某中謝(二)。伏念臣奮由孤遠，親際聖明。以鉛槧腐儒而居侍從之聯，以斗筲小器而備疑丞之列。心固知其冒昧，人共指其僥踰。矧睿德之日新，舉臣工而風動。凡服采班行之內，競赴事功；豈參華廊廟之間，乃令尸素？頻年惴惴，竊位容容。上負九重之知，下貽多士之誚。積茲愧覩，成此病衰。晝眩瞶以廢飧，夜怔忡而忘寢。足弱弗良於趨走，腰頑殆困於屈伸。雖欲強顏，難爲陳力。用仰干於旒宸，祈退返於田廬(三)。而天語鼎來，篤眷留之意；王人狎至，隆禮貌之恩(四)。夫何極陋之姿，有此殊常之寵？苟能加勉，安敢執迷？顧念所居之官，誠非自恕之地。若坐滿西曹之謫，恐難逃東市之誅。今雖似爲於身謀，實亦稍存於國體。伏望皇帝陛下廣乾坤之量，推父母之慈。念臣遭遇於初元，許臣保全其晚節。及公言之未至，諒素志之無他。聽解政機，俾安愚分。循名責實，已慚無補於聖時；觀過知仁，猶冀不妨於賢路。輪誠深切，從欲是期。臣無任(二)云。

### 不允詔

敕某：云云具悉。卿精誠造微，懿文合雅。久服淵雲之侍從，進揚魏邴之謀謨。正資儒者之在朝，難託謙文而避位。其承素倚，宜弭來封。所請宜不允，不得再有陳請。

### 乞通進司收接文字劄子

右，臣近緣陳解罷機政，蒙聖恩指揮通進司不得收接文字。今來仰體聖意，已供職訖，合有謝劄，緣未奉聖旨，有司未敢通進。欲望聖慈特賜處分，便令進入。謹錄奏聞，伏候敕旨。

### 賜生日詔書(五)

敕某：秋物澄暉，陰躔對望。惟鈞途之俊哲，降神嶽之粹靈。特腆牢頒，俾延家祉。今賜卿云云。

(一) 二十七日：原無，據日本藏宋刻本、明澹生堂鈔本、四庫本補。

(二) 臣某中謝：原無，據日本藏宋刻本、明澹生堂鈔本、四庫本補。

(三) 盧：明澹生堂鈔本、四庫本作「閻」。

(四) 隆：明澹生堂鈔本、四庫本作「全」。

(五) 書：原無，據日本藏宋刻本補。

## 謝表

臣某言：伏奉詔書，以臣生日特降中使，賜臣羊酒米麪者。獻名州史，永慨餘生；拜賜家庭，增光末路。屬饜雖幸，浮食知慚。臣某中謝。伏念臣拔起窮簷<sup>(一)</sup>，過尸榮祿。糟醕是醉，敢妄意於天漿；藜藿充腸，猥參和於鼎鍊。矧年饑用不足之際，豈食飽居求安之時？乃因載育之辰，更冒分甘之寵。茲蓋伏遇皇帝陛下仁均覆幬，恩厚臣鄰。每因儀物以示誠，豈爲庸駑而廢禮？申以光華之使，責之溫厚之言。式示隆施，寧專故實？貪於飲食，懼饜養之干誅；俾爾壽臧，愧截庖之均福。誓殫忠藎，圖報眷憐。臣無任云云。

## 乞序位李彥穎下劄子 七月三

臣嘗考國朝故事，侍從而上或遇舊人再入，其序位多在見任人之上，非徒重朝廷之體<sup>(三)</sup>，亦以興廉遜之風。伏見參知政事李彥穎數年前已位二府，今者再入，臣合在下，理無可疑。伏望睿慈特降處分，以憑遵守。今取進止。

## 第二劄子 八月四

臣適具奏，乞序位在李彥穎之下。緣欲降付三省，未敢盡述底蘊。伏見熙寧二年文彥博以舊相爲樞密使，陳升之初拜宰司，

神宗用天聖故事，特令升之仍位彥博之下。雖王安石力沮彥博，收回成命，然詔書具在，聖意高遠，非安石所能知也。夫宰相、樞密使位序有差，國朝尚且迭爲先後，況同是參貳，班列一等？謂如元豐以後，同知樞密院、尚書左右丞或互有除改，則位次不易，其來久矣。臣之未至，自應在彥穎前進之下，尚復何疑？至於侍從之類，其例尤多。慶曆五年，楊察再知制誥，同僚張方平等上言：「察係再入，請班居上。」有旨從之。紹興以來，猶有用此例者。若是偶未思索，或不暇檢閱典故，猶可襲常蹈故。臣既心知其然，倘不自列，則欺罔之罪大矣。臣竊恐來日立班相妨，本欲權免朝參一日，又慮外議不知此意，妄有傳說，遂復不敢。欲望聖慈宣諭閣門，許臣班彥穎之下，庶幾於義稍安。臣素蒙陛下恩憐，乃敢殫竭悃愾。伏取進止。

## 辭免知樞密院事劄子 八月五

臣伏蒙聖慈除臣知樞密院事，特降中使宣押赴院治事者。臣

- (一) 簷：日本藏宋刻本、四庫本作「閣」，明澹生堂鈔本誤作「閣」。
- (二) 七月：原無，據日本藏宋刻本、四庫本補。
- (三) 徒：日本藏宋刻本作「獨」。
- (四) 八月：原無，據日本藏宋刻本、明澹生堂鈔本、四庫本補。
- (五) 八月：原無，據日本藏宋刻本、明澹生堂鈔本、四庫本補。

聞命震懼<sup>(二)</sup>，罔知所措。竊以西樞分職<sup>(三)</sup>，兵柄在焉<sup>(四)</sup>。本朝雖委用儒臣，亦須有文武才略，識諳戎事<sup>(五)</sup>，且望實素為中外所信服者<sup>(六)</sup>，然後舉而用之，乃能仰副注倚，俯協公議。如臣不肖，論迂而性拙，徒以章句之學久被簡知。服在論思，已為忝冒；驟參機政，彌愧超踰。敢意誤恩，進籌帷幄！雖陛下聖謨獨運，神武布昭，執事之臣不過稟訓飭於上，行文書於下，縱殫薄技，難企清光。而官匪其人，國家奚賴？才不稱位，有衆何觀？祇竭忱誠，仰祈鴻造。冀回渙渥，改授英才，俾仍舊班，免貽非據之誚。其為榮幸，殆與進擢均矣。干冒宸衷，臣無任云云。

### 不允詔<sup>(七)</sup>

勅某：省所奏劄子，辭免除知樞密院事恩命事具悉<sup>(一)</sup>。朕惟以儒臣本兵權，以毅將庀武守。惟國家之長御，若臂指之相維。卿學洞本元，察含冰鑑。躬公綽之不欲，邁壺遂之深衷。清德藹聞，遠猷彌劬。擢繇政席，晉長機庭。資沈心善照之謀，濟厭難折衝之效。是惟次陟，毋事沖辭。所辭宜不允。

### 辭免知樞密院事表

臣某言：伏蒙聖慈以臣辭免新除知樞密院事恩命，特降詔書不允者。左輔療官，宜首加於幽黜；右樞分職，敢遽冒於顯

除？雖尺一之頒，理不可違；然再三之瀆，誠亦難已。臣某中黷<sup>(一)</sup>。竊以本兵地要，率屬選高。觀累朝之求賢，暨明主之籲俊。或取其久更帥閫，遂圖任而弗疑；或謂其嘗貳機庭，越進遷而示寵。故望以回翔而加重，智因練歷而愈明。試可若斯，僉諧必矣。惟臣之戀，無一而宜，而所窺者率皆古昔之陳篇，所供者不過簿書之常守。心豈識軍戎之要，足未趨宥密之嚴。方二柄之臚分，乃一朝而躡進。聖神在上，若為參前箸之籌；哲艾滿朝<sup>(二)</sup>，徒使愧後薪之積。苟不力求於避免，殆將立抵於譴訶。伏望皇帝陛下以稽古之聰明，鑑用人之得失，收還誤渥，改授實能。天佑高皇，必有子房之決勝；人歸宣后，寧無吉甫之憲邦？罔俾愚臣，或妨賢路。臣無任云云。奉御寶批降，批答不允，仍

- (一) 懼：日本藏宋刻本作「惶」。
- (二) 「竊」上，日本藏宋刻本有「臣」字。
- (三) 柄：原作「權」，據明澹生堂鈔本、四庫本及《古今事文類聚》遺集卷一改。
- (四) 識諳戎事：明澹生堂鈔本、四庫本及《古今事文類聚》遺集卷一作「識華戎事體」，意亦通。
- (五) 素：原無，據明澹生堂鈔本、四庫本及《古今事文類聚》遺集卷一補。
- (六) 「詔」下，日本藏宋刻本有小字云「趙彥中撰」，明澹生堂鈔本作「趙彥中選」。「選」當為「撰」之誤。
- (七) 「省所奏」至「恩命事」，原作「云云」，據日本藏宋刻本、明澹生堂鈔本、四庫本改補。
- (八) 某中謝：原無，據日本藏宋刻本、明澹生堂鈔本、四庫本、《古今事文類聚》遺集卷一補。
- (九) 艾：原作「乂」，據日本藏宋刻本改。

### 不允批答 熊克撰(三)

省表具之。朕獨總萬機，分幹二柄。冢司不兼武事，有慶曆續定之規；宥府不帶使名，有元豐肇正之典。參舉故事，序升弼臣。卿寬裕而有容，開明而無滯。道能方古，在阜陶稷契之間；文可作經，出太史莊騷之上。早徧儀於華要，久預贊於幾微。晉典事樞，蓋協時論。何謙詞之確守，乃需奏之上聞(三)。其亟祇承，毋庸抗避。所辭宜不允，仍斷來章。

### 口宣

有敕：卿久陪天府(四)，進典神機。顧渙號之已孚，況師虞之允穆。亟其祇命，勿尚固辭。今差某人賜卿，不允斷來章批答，想宜知悉。

### 謝表

臣某言：伏奉告命，授臣知樞密院事，尋具辭免，伏蒙聖慈特降中使，賜臣不允批答，仍斷來章者。獨化陶鈞之上，天啓聖謨；折衝樽俎之間，人需賢德。孰云庸懦，堪此選除(五)。望帷幄以傍徨，拜絲綸而懷慄。臣某中謝。臣聞兵布於外，是爲爪

牙；權歸於中，實寄心腹。上下有相維之勢，古今存不易之規(六)。廟勝所關，才難爲甚。如臣者駑駘步窘，培塿形卑。初非致遠之材，敢起升高之念？而遭逢華旦，忝竊殊知。廿載神畿(七)，徧歷清華之地；十年禁橐，遂參輔弼之聯。戴恩奚啻於丘山，論報未施於涓滴。所期汰免，何意褒遷！越由黃闥之嚴，陞踐紫樞之峻。惟乃聖乃神之真主，方高出於百王；豈不文武之具臣，可迭居於二府？懇辭弗獲，祇受爲慚。茲蓋伏遇皇帝陛下政急內脩，策先自治。宅中圖大，既隆道德之威；詰禁制軍(八)，不廢甲兵之問。姑緣人乏，猥用臣愚。臣敢不激勵壯心，贊襄先務？外攘夷狄，願觀復古之勳；載戢干戈，尚覲垂衣之化。臣無任云云。

(一) 「奉御寶」至「來章」，原無，據日本藏宋刻本、明澹生堂鈔本、四庫本補。

(二) 熊克撰：原無，據日本藏宋刻本、明澹生堂鈔本、四庫本補。

(三) 上聞：日本藏宋刻本作「尚陳」，明澹生堂鈔本、四庫本作「上陳」。

(四) 府：日本藏宋刻本、明澹生堂鈔本、四庫本作「綽」。

(五) 選除：原作「宣隆」，據明澹生堂鈔本、四庫本及《古今事文類聚》遺集卷一改。

(六) 存：原作「成」，據明澹生堂鈔本、四庫本、《古今事文類聚》遺集卷一改。

(七) 廿：日本藏宋刻本作「卅」。

(八) 之威詰禁制軍：原作「之□威詰禁軍」，據日本藏宋刻本、《古今事文類聚》遺集卷一改補。

### 謝太上皇帝表

臣某言：伏奉告命，授臣知樞密院事者。東西置府，對分軍國之權；左右惟人，協贊鈞樞之運。猥容迭處，良愧超遷。臣某中謝。竊惟有密之司，安危所寄。議論近陪於帷幄，機緘遞解於疆陲。以充國之老臣，尚難踰度<sup>(一)</sup>；如魯人之肉食，何有遠謀？自非求儒術之真，安得制廟謨之勝？如臣者起家一第，隨牒四方。疏慵微稽古之勤，昏鈍乏過人之略。荷兩朝之見器，借多士以在廷。金馬玉堂，既久司於文翰；鸞臺鳳閣，遂參穆於政機。豈才名烜赫之當然，由歲月推移而至此。曠職方期於簿責，本兵更誤於詔除。借箸而籌，何以仰符於上意？假人以器，居然恐累於宸思。傴僂拜嘉，忸怩就列。茲蓋伏遇光堯壽聖憲天體道性仁誠德經武緯文太上皇帝陛下，冠冕百王而弗居其聖，堪輿萬物而不有其功。無疆惟休，坐銷金鎗之氣；必得其壽，永享玉卮之歡。謂時清非假於弼諧，故質朽亦容於承攝。臣敢不兢兢夙夜，勉勉幾微？遠至邇安，何取良、平之策；天長地久，但祈堯、舜之年。臣無任云云。

### 謝東宮牋

某言：伏奉告命，授某知樞密院事者。三年預政，難逃指目之譏；再命本兵，益峻股肱之列。已伏龍墀而叙感，重瞻鶴禁以知歸。臣某中謝<sup>(三)</sup>。伏念某才不逮人，性尤忤物。適有天倖，

獨蒙上知。靡更州縣簿書之勞，即居省臺文字之職。昨仰親於三善，嘗坐閱於六期。始終獎予之殊，前後遷除之數。華門圭竇，方襍被以丐歸；黃閣紫樞，乃牽絲而徧歷。深惟負乘，如履淵冰。茲蓋伏遇皇太子殿下天縱聰明，日新德業。取士欽才之切<sup>(三)</sup>，蓋根本於誠心；問安侍膳之餘，每推揚於善類。故茲新渥，及乃舊人。某敢不思勵壯圖，期酬夙眷？信而好古，雖莫陪東序之英游；從曰撫軍，尚獲贊北征之盛舉。謹奉牋稱謝以聞。

### 謝明堂加恩表

臣某言：伏奉告命，以明堂大禮加臣食邑五百戶，食實封二百戶者。宗祀告成，一人能事；湛恩敷錫，四表歡心。曾是具臣，亦叨徽數。臣某中謝。恭惟皇帝陛下事親以孝，撫民以仁。無一念不存於誠<sup>(四)</sup>，無一事不協於極。宵衣旰食，允矣克勤；公聽並觀，濟之好問。凡舜禹之德業，固皆優爲；如漢唐之規模，殆不足道。水旱既弭，陰陽自調。躋民壽域之中，偃革邊亭之外。方且聖不居聖色，新而又新。思歸功於兩儀，用嚴配乎二后。乃稽三歲之制，乃盛九筵之儀。內殫一純，外備庶物。謁款道祖，裸將太宮。齊明極其精專，拜跪忘其勞動。熙事咸備，諸

〔一〕 雜：日本藏宋刻本作「艱」。

〔二〕 臣：原無，據明澹生堂鈔本、四庫本補。

〔三〕 欽：原作「欽」，據日本藏宋刻本改。

〔四〕 於：日本藏宋刻本作「乎」。

〔五〕 不：日本藏宋刻本、明澹生堂鈔本、四庫本作「弗」。

祥畢臻。上焉歸胙於庭闈，下以均釐於普率。善無大小<sup>(一)</sup>，賚予則同；罪無舊新，滌除則徧。可謂古今之壯觀，聖哲之成能。而臣初乏禮官司存之勞，又匪方伯職來之助。猥預右樞之數，僅參前導之聯。而乃拜器幣於尚方，耗金繒於外府。僥踰已甚，愧汗靡任。茲仍徹於多田，益增光於在列。曾微千一之慮，獨冒再三之榮。歎太史之滯留，彼奚不遇；錫康侯之蕃庶，臣則何庸？惟誓捐軀，少圖報國。臣無任云云。

### 乞與王嘉賓換闕劄子

伏念臣妻之兄從政郎王嘉賓，昨於淳熙五年內授封樞庫監門，待闕已及五年，今夏當赴。緣臣任參知政事，慮有妨嫌，即曾奏知，乞令迴避。伏蒙聖慈宣諭左丞相，準擇闕對換，繼與一般軍器所監門、保義郎李俛兩易<sup>(三)</sup>。尋蒙恩備數西府，其軍器所雖屬御前，却是樞密院使闕。緣此本人奉親挈眷，徘徊累月，以臣之故，又復不敢交割。在臣合與陳述，伏乞降付三省施行。輕瀆宸嚴，臣無任戰汗之至。取進止。

伏念臣妻之兄從政郎王嘉賓，昨於淳熙五年內授封樞庫監門，待闕已及五年，今夏當赴。緣臣任參知政事，慮有妨嫌，即曾奏知，乞令迴避。伏蒙聖慈宣諭左丞相，準擇闕對換，繼與一般軍器所監門、保義郎李俛兩易<sup>(三)</sup>。尋蒙恩備數西府，其軍器所雖屬御前，却是樞密院使闕。緣此本人奉親挈眷，徘徊累月，以臣之故，又復不敢交割。在臣合與陳述，伏乞降付三省施行。輕瀆宸嚴，臣無任戰汗之至。取進止。

### 同上劄子續陳啓子

- (一) 大小：日本藏宋刻本作「小大」。
- (二) 門：原無，據日本藏宋刻本補。
- (三) 門：原無，據日本藏宋刻本補。

# 廬陵周益國文忠公集卷一二七

## 歷官表奏卷六

### 淳熙十年

#### 同施樞密以旱災乞罷黜劄子

七月二

臣等仰惟陛下勵精庶政，惠愛元元，其於歲之豐歉，無一日不軫宸慮，此固中外所共聞，臣等所親見也。今者夏秋之際，時雨偶愆，聖躬焦勞，天語惻怛，修己之誠靡不盡，恤下之政靡不舉，祈禳之典靡不行。宜格天休，上副德意。而屯膏未溥，衆情啓啓。臣等並典樞機，號為執政，軍國庶務，參裁其間。既無以協贊修禳，又不能交舉職業，積此謬戾，遂干至和，雖欲逃刑，何以文過？願加顯黜，不警曠瘝，庶銷旱祥，可必豐歲。臣等謹已出郊待罪，伏乞睿斷即賜施行。臣等無任慚懼俟命之至，取進止。七月十三日奉御寶批〔三〕，降詔不允。

#### 不允詔

勅周某等：省所奏劄子，為夏秋之際，時雨偶愆，乞加顯黜事具悉〔三〕。蓋聞天人惟精稔之交，災異緣政教而起，

朕德不類，亢陽錯度，省躬思咎，寤寐增嘆〔四〕。卿等擁樞贊微〔五〕，惟以共御厥罰，消弭未形者，宜雅知之。方務交脩，圖應天之實，引咎避位，豈朕所期？祇竭大忠，孚臻休應。所辭宜不允。

#### 同二府乞罷黜劄子

臣等茲以變調無狀〔六〕，時雨不應，上章自劾，待命津亭。伏蒙聖恩各遣中使宣押歸第。臣等迫於威命〔七〕，不敢固違，屏息家居，恭候嚴譴，豈容偃然復入都堂治事？欲望睿慈速降處分，大正典刑。既協輿言，必符天意。臣等無任震懼懇切之至，取進止。

- 〔一〕 七月：原無，據明澹生堂鈔本、四庫本補。
- 〔二〕 「十三日」原作「十二日」，「寶」原脫，據明澹生堂鈔本、四庫本改補。

〔三〕 「等省所奏」至「顯黜事」，原無，據明澹生堂鈔本、四庫本補。

〔四〕 寤寐增嘆：原作「□寤寐嘆」，據四庫本改補。

〔五〕 擁樞贊微：原作「擁贊樞微」，據明澹生堂鈔本、四庫本乙。

〔六〕 明澹生堂鈔本、四庫本正文前有：「特進、左丞相、冀國公臣王淮，宣奉大夫、右丞相、儀國公臣梁克家，通奉大夫、知樞密院事臣周某，端明殿學士、朝請大夫、簽書樞密院事、兼權參知政事臣施師點劄子奏。」

〔七〕 臣等：原無，據四庫本補。

## 不允詔

勅王某等：省所再上奏劄子，以燮理無狀，時雨不應，乞大正典刑，事具悉<sup>(一)</sup>。昔成湯《桑林》之禱，以六事而責躬；宣王《雲漢》之災，矜百姓而修行。蓋君人克己而上注，則天道棐忱而聽卑，固難飾應變之文，始欲歸有司之責。卿等選於羣獻，式是百僚，靡勤不宣，何以致常暘之咎。繇朕不德，無以厭上帝之心，所以避正宁而損口，訪羣言而緝政，庶勵精而致改用，因災異而邁休。苟推過於弼臣，是忘祗於天戒。其思交儆，贊翼翼之機猷；尚格至和，達臺臺之歡樂。勉圖嘉績，宜弭來封。所請宜不允，不得再有陳請。

## 旱災乞罷黜表

臣某等言：近以雨澤愆期，兩具奏乞賜罷黜，伏蒙聖慈疊頒詔諭<sup>(二)</sup>，所請宜不允，不得再有陳請者。伏以亢暘為沴，上軫宸心；豫政非才，下喧物論。既積難安之愧，敢稽自効之章？仰溫詔之曲留，俯危衷而載惕。臣某等中謝<sup>(三)</sup>。臣聞《雲漢》之歌宣后，撥亂所以去災；《春秋》之紀衛侯，興師因而致雨<sup>(四)</sup>。足驗歲年之豐歉，寔關兵政之否臧。今臣等猥以斗筭，參於帷幄。圖事經遠，有愧良、平之腹心；愴威折衝，未還文、武之境土。以此鬱中外之望，宜其干陰陽之和。雲上於天，致輟九重

之宴樂；月離於畢，尚遲四野之滂沱。僉歸咎於具臣，合自拘於司寇。伏望皇帝陛下賞誅順帝，視聽從民。察樸樾之叵堪<sup>(五)</sup>，本難近用；念蘊隆之為虐，當責爾僚。或稍貸於斧斤，姑斥還於田里。雷霆之怒，既震耀以弗私；霖雨其滋，尚昭蘇之可必。臣等無任云云。

## 再乞罷黜劄子

臣等竊惟聖心閔雨甚至，農夫望歲至切，而常暘為沴，天意未回。臣等雖蒙聖恩，少緩誅斥，再勤敕使，疊下詔函，而震灼憂慚，實難安職。除已再上表陳乞外，所有十六日以後立班奏事，臣等不敢趨赴。伏乞睿斷早賜罷黜施行，取進止。

## 御批不允<sup>(六)</sup>

比以亢暘為沴，時雨弗滋，咎應之來，其必有自。乃貶食，退次求言，念愆思有以答天之戒。所賴二府輔弼之良交

(一) 「敕王某等」至「事具悉」，原作「敕某云云具悉」，據明澹生堂鈔本、四庫本改補。

(二) 慈：明澹生堂鈔本、四庫本作「恩」。

(三) 臣某等中謝：原無，據明澹生堂鈔本、四庫本補。

(四) 因：明澹生堂鈔本、四庫本作「從」。

(五) 巨：明澹生堂鈔本、四庫本作「亡」。

(六) 批：明澹生堂鈔本、四庫本作「劄」。

傲不逮，以導迎善氣，而列章求去，却而復上，至於再三，朕何望焉？其安厥位，益陳乃謀，銷弭災變，以副仰成之意。故茲詔示，想宜知悉。

### 奏謝劄子

臣等伏爲雨澤愆期，再上表乞賜罷免。特蒙聖恩寵錫宸翰，粲然盈幅，莫非禹湯罪己之言，臣等相與歡踴，震懼無地。昔漢世每有災異，必切責丞相、御史，本朝故事，亦以是降黜大臣。今陛下則不然，貶食退次，詢求直言，凡可責躬答天戒者，無一不用其至，獨於臣等則万方覆護，屈撓常憲。雖父母愛憐不孝之子，亦恐未能寬恕如此。臣等自當碎首捐軀，圖報萬一。惟是才術駑下，謀謨淺拙，終虞無所施設，以少副陛下仰成之意。尚容來日俯伏軒陛，控叙危悚，謹先具劄子奏謝。伏乞睿照。

### 預辭生日牲餼奏

臣伏見陛下以雨澤尚愆，避殿減膳，形於詔旨。臣備位西府，方自劾失職，席藁俟命。竊慮有司以臣生日在近，例降中使匪頒牲餼，臣實不敢祇受。欲望聖慈預令寢免，少安危懼。臣無任虔祈之至，取進止。

御批：還政引災，已難徇請。續齡錫慶，何必預辭！

### 賜生日詔

敕某：任隆樞載，望映時宗。屬金德之乘秋，儲崧靈而協吉。時頒康錫<sup>(二)</sup>，庸示注懷。今賜卿云云<sup>(三)</sup>。

### 謝表

臣某言：伏奉詔書，以臣生日特命中使賜臣羊酒米麪者。門設之弧，日切劬勞之念；庭瞻爾特，時豐燕飲之頒。嘆親養之無從，拜君恩而有覲。臣某中謝。伏念臣丁年孤露，晚歲遭逢。揆初度以興憐，羨久生而奚益？一自叨陪二府，坐閱四期。淺識寡聞，詎堪於設禮；素餐尸祿，徒負於加籩。矧當貶食之辰，彌愧養賢之誼。需章預控，敬伸體國之誠；宸翰隨頒，榮奉續齡之訓。孰云異數，猥及微臣。茲蓋伏遇皇帝陛下盛德矜愚，深仁厚下。謂昔選掄之已誤，豈今禮遇之或忘？紫煥敷言，異其嗟之路食；黃封列缶，灑可挹之天漿。竊自省循，若爲報塞？臣敢不仰銜鴻施，俯勵孤衷？愛之欲其生，固難酌天地之造；食焉怠其事，寧不畏鬼神之誅？惟誓糜捐，少逃訶譴。臣無任云云。

(一) 度：明澹生堂鈔本、四庫本作「慮」。

(二) 時：明澹生堂鈔本、四庫本作「特」。

(三) 今賜卿云云：原無，據明澹生堂鈔本、四庫本補。

## 爲二兄乞再任宮祠劄子

臣輒有私誠，上干宸聽。臣有堂兄奉議郎必端，見係第二任知縣資序，昨受宮祠，今年三月任滿，欲赴部注擬間，偶值長兄朝請郎必達事故，孤幼無人照管，緣此不能前來，坐食已八九月，未免仰祿。欲望聖慈特降睿旨，再差宮觀一任。冒瀆天威，臣無任戰汗之至。取進止。

## 東宮賀冬牋

子爲天統，占書先十二之辰；日軌異維，化國測丈三之景。既兩宮之受祉，宜二極之同休。某中賀。恭惟皇太子殿下仁孝中涵，英明外著。進德遠超於啓誦，承顏並事於勛華。當今序之漸長，知壽祺之增永。某叨塵右府，密企東儲。阻造跡於賓階，第竭誠於慶牘。某無任云云。

## 太上皇后慶壽賀東宮劄子

某等仰惟主上恢崇聖治，祇奉親歡。昨以郊年，嘗舉光堯之慶禮；今逢春日，併陳文母之盛儀。萬壽無疆，四方來賀。殿下以天孫之愛，儲極之賢，適趨金殿之朝，遂助玉卮之奉。邦家攸賴，簡冊增光。某等不獲躬詣宮庭，謹具劄子申賀。伏乞令照。

## 淳熙十一年

### 辭免樞密使劄子

六月三

臣伏蒙聖慈除臣樞密使，仍降中使宣押赴院治事者。恩渥殊常，震惶失措。臣竊觀本朝故事，機廷置長，或使或知。蓋因人之才之優劣，別資望之重輕。元豐肇新官制，始刊使名。雖有聖論，寔惜之也。自是四十餘年，莫之或改。建炎、紹興間，二揆嘗司兵柄，不過曰兼知院事而已。尋因舊相召還，復令充使，以示優禮。其後或勳舊官至公孤，或忠賢名重帷幄，間有除授，而非積歲月之勞所能至也。如臣疲軟不任職，庸瑣非遠器。五年政路，毫釐無補。見朝士則顏面外覩，聽輿議則心神內悸。豈獨臣自知之，固亦難逃衆目。今乃以至劣之才而當至優之禮，以至輕之望而尸至重之任。此而弗懼，可謂愚人。伏惟皇帝陛下照臨有赫，必能察臣之惛愾；覆載無私，不可假臣以名器。姑仍舊次，亟格新綸。天祐聖君，自生豪傑，隆名異數，願少須之。冒昧陳詞，期於得請。臣無任云云。

〔一〕 漸：明澹生堂鈔本、四庫本作「踐」。

〔二〕 六月：原無，據明澹生堂鈔本、四庫本補。

〔三〕 論：四庫本作「論」。

〔四〕 可：原缺，據明澹生堂鈔本、四庫本補。

〔五〕 味陳：明澹生堂鈔本、四庫本作「貢忱」。